

2 Corinth got'ù gits'ò aatl'è

¹ Sì Paul, Nòhtsì wedahxà Zezì-Krì wecheekeède aht'e. Gòet'ì Timothy wexè kòta Corinth Nòhtsì wecheekeè nàgedèe sù gits'ò eeht'è, eyits'ò Achaia nèk'e Nòhtsì wets'ò dọ hazòọ nàgedèe sù gits'ò ts'eet'è.

² Nòhtsì-Gotà eyits'ò Zezì-Krì gısqıwq naxıxè welè eyits'ò naxıxè sìghà hòzòọ agıle.

Nòhtsì ededzeè t'à etegoèhzi

³ Nòhtsì weghàsots'eedi welè. Ededi sù Zezì-Krì Wetà họt'e, eyits'ò ededi ededzeè t'à etegoèhzi elı. T'asì hazòọ t'à goxè sìghà hòzò gha Nòhtsì elı họt'e. ⁴ Goxè hoıla lọ sqı kò goxè sìghà hòzòọ agohzi. Gots'ò hanì eda họt'e t'à dọ gıgha hoıla sù gıxè sìghà hòzòọ agets'ehzi. ⁵ Zezì-Krì gogha daızà t'à goxı wexè dats'ııza, eyı lanì Zezì-Krì wets'ıhzi dezi dọ goxè sìghà hòzò họt'e. ⁶ Goxè hoıla nıdè naxıxè sìghà hòzò gha eyits'ò edaxàahdè gha ats'et'ı. Goxè sìghà hòzò nıdè naxı sı naxıgha họt'e, eyı t'à goxèht'eè ts'èwhı daahza nıdè, wet'à naxını nàtso ha. ⁷ Naxıxè sìghà hòzò agode ha sù hotı gogha ehkw'ı-ahodi họt'e. Goxè daahza wek'èts'eezq, eyıt'à goxè naxıgha sìghà hòzò ha hotı wek'èts'eezq họt'e.

⁸ Sèot'ıı, Asia nèk'e dànı dats'ıızaa sù wek'èahsq ha naxıts'ııwhq. Goinı nàtso nahk'e sù goxè hoıla ıle, eyıt'à edaxàts'eedè gha ahxe while ts'ııwq ıle. ⁹ Hòt'a ełààts'ede ha hotı hats'ııwq ıle. Goxı edets'àts'edi ts'ııwo ha-le t'à goxè hagòjà,

hanikò Nòhtsɪ dɔ naidà ayeɦɹɪ sù ededɪ wets'ò hoèlɪ ts'ɪwɔ ha t'à goxè hagòjà hɔt'e. ¹⁰ Hoila t'à ɛlaàts'ede ch'à edaxàgoɪla hɔt'e, eyits'ɔ ɛlaàts'ede ch'à gok'èdì ha. Ededɪ gots'àdɪ ha wets'ò hoèlɪ ts'ɪwɔ, eyits'ɔ t'aats'òò edaxàgohtè ha gogha ehkw'ɪ-ahodɪ hɔt'e. ¹¹ Naxɪ xàyaahɪ t'à gots'àahdɪ ha hɔt'e. Hanì-ɪdè dɔ lɔ goghɔ Nòhtsɪ ts'ò masì gɪwɔ ha, gots'ò wedzeè sɔnɪwɔ t'à.

Paul dàde ha ɪlè sù ɪadɪ ayìlà

¹² Godzeè t'à nàowo degaɪ k'èè eyits'ɔ ehkw'ɪ k'èè eghàlats'ɪdà wek'èts'eezɔ hɔt'e. Nòhtsɪ wek'èè dɪ nèk'e dɔ gɪta eyits'ɔ naxɪta hanì denahk'e eghàlats'ɪdà hɔt'e. Dɪ nèk'e gots'ɔ wet'à gots'ɪzɔɔ nàowoò k'èè ats'ɪt'ɪ nùle, Nòhtsɪ wesɔnɪwɔ k'èè ats'ɪt'ɪ hɔt'e. Eyɪ weghɔ xàdahots'edì ha dɪ-le. ¹³⁻¹⁴ Eyɪt'à t'asɪ wek'eyaahɪ xè wenɪahdì ha dɪ sù ghɔ naxɪts'ò ts'eet'è nùle. Hanikò t'asɪ hazòò wenɪahdì-le nɪdè nɔɔde-ɪdè degɦàà wenɪahdì aahde ha dehwhɔ, hanì-ɪdè goghɔ xàdahoahdì ha, eyits'ɔ gots'ò K'àowo Zezì nùtɪaa dzeɛ k'e nɪdè goxɪ naxɪghɔ xàdahots'edì ha.

¹⁵ Eyɪ hotù wek'èehsɔ t'à naxɪ t'akweɔò naxɪts'àhtɪa ha dehwhɔ, hanì-ɪdè nàekeè-eh't'aa naxɪxè sɪghà agode ha. ¹⁶ Macedonia nèk'e ts'ò dehtɪa nɪdè naxɪts'àhtɪa ha dehwhɔ ɪlè eyits'ɔ Macedonia nèk'e gots'ɔ ek'èt'à naehtɪa nɪdè k'achɪ naxɪts'àhtɪa ha dehwhɔ ɪlè. Hanì-ɪdè naxɪ Judea nèk'e ts'ò aseahɛ ha ɪlè. ¹⁷ Hotù nàniwɦɪwo-le et'ɪ hanì edexè sɪgòhlà dahwhɔ nì? Dɔ nàniɛgedè-le k'èè edexè sɪgòhlà t'à ehɦàà “Hɛzɛ” eyits'ɔ “ɪle” dehsɪ seahwhɔ nì?

18 Hanikò Nòhtsɿ edeyatù k'èdì k'èè godɿ nezɿ naxɿghàts'ɿzqò sù ehkw'ɿ hq̄t'e, eyɿ ghq̄ ɿhk'è “Hèzè” eyɿts'q̄ ɿhk'è “Ìle” ts'edì nùile. 19 Silas, Timothy eyɿts'q̄ sɿ Nòhtsɿ Weza Zezì-Krɿ weghq̄ naxɿts'q̄ gots'ɿdee sù weghq̄ “Hèzè” ts'edì, eyɿts'q̄ k'achɿ “Ìle” ts'edì nùile, hanikò Zezì wexè t'aats'q̄ “Hèzè” hq̄t'e. 20 Nòhtsɿ edeyatù hazq̄ gogha whehtsɿ sù Zezì-Krɿ wets'ɿhɿzq̄ hazq̄ “Hèzè” zq̄ hq̄t'e. Wets'ɿhɿzq̄ “Amen” ts'edì hq̄t'e, wet'à Nòhtsɿ weghàsq̄ts'eedì hq̄t'e. 21 Nòhtsɿ sù Zezì-Krɿ wet'à goinì eyɿts'q̄ naxɿnì nàtsoò ayehɿ hq̄t'e. Edegha gòihchì hq̄t'e, 22 eyɿts'q̄ wets'q̄ ats'ɿt'e wek'èhoedzq̄ ayɿlà. Eyɿt'à edets'q̄ Ìnì Degai godzeè yù nàdè ayɿlà, wet'à gogha sq̄mba nùzq̄ lanì, eyɿ weghàà ɿdaà ayɿ go-dawhelaa sù hotù goghq̄t'à ha wek'èhoedzq̄ ayɿlà. 23 Naxɿgha hoilà ahle ha-le t'à ek'èt'à kq̄ta Corinth ts'q̄ anahjà nùile Nòhtsɿ hotù yek'èezq̄ hq̄t'e. 24 Dànì naxɿgha ehkw'ɿ-ahodù sù weghq̄ naxɿts'q̄ k'ahots'edè dehsɿ-aehsɿ-le, hanikò naxɿnà gha naxɿxè eghàlats'eeda hq̄t'e, naxɿgha ehkw'ɿ-ahodù sù wet'à naxɿnì nàtso hq̄t'e.

2

1 Naxɿgha hoezhì ahle ha dehwhq̄-le t'à dù k'achɿ naxɿts'àhtlà ha-le. 2 Naxɿdzeè nànitù anaxèhlà nùdè amù sinà asele ha? Naxɿ zq̄ sinà aseahɿ ha ɿlè, hanikò naxɿdzeè nànitù anaxèhlà. 3 Eyɿt'à hanì naxɿts'q̄ ɿt'è ɿlè. Hanì-ɿdè naxɿts'àwhihlà nùdè naxɿ sinà aseahle ha ɿlè sù ts'q̄dehwhq̄ aseahle ha-le ɿlè. Hazq̄ sexè naxɿnà ha dahwhq̄ ne hotù wek'èehsq̄. 4 Sù ts'q̄dehwhq̄ xè sedzeè etse eyɿts'q̄ senatù lq̄ xàt'ɿ t'à hanì naxɿts'q̄ ɿt'è hq̄t'e.

Naxıdzeè nànutì anaxehle ha dehwhò-le, hanikò sù naxıghònehtò họt'e wek'èahsò ha dehwhò.

Hołı-hohtsı-dòò weghò nahoezhe

⁵ Amı wets'ıhòò godzeè nànutì sù sı zò asıllà nıile, naxı denahk'e naxıdzeè nànutì anaxıllà họt'e. Hanikò weghò dezoò aehsı ha dehwhò-le. ⁶ Naxıta dò dezoatlı gısınıyahtı t'à hòt'a yek'èxa daıza họt'e. ⁷ Dı hòt'a weghò nahoahle, eyıts'ò wets'ò nezı aahdı, hanı-ıdè sù edek'eelı t'à wegħa dı agode hale. ⁸ Eyıt'a dani weghonıahtòò sù hotı yek'èezòò aweahle ha dehwhò. ⁹ Naxeehdza ha dehwhò t'à hanı naxıts'ò ıhtı'è. Dani t'ası hazòò weghàlaahda ha naxèehsı sù ası hazòò wek'èaht'e lı dehwhò t'à ahla. ¹⁰ Dò ghò nahoahle nıdè sı sı weghò nahoehle ha họt'e. Ayı weghò nahoehlaa sù (t'ası weghò nahoezhe ha gòhı nıdè) Zezi-Krı wenadaà weghò nahoehla họt'e, naxıgha nezı ha t'à. ¹¹ Hanı-ıdè wehı goghòehnè ha-le. T'aats'òò goghoyaeza k'ehoza wek'èts'eezò họt'e.

Nakenahòdlı wegòò k'èè eghàlats'eeda

¹² İdì whaà-le Zezi-Krı wegodı nezı t'à dò ts'ò gohde ha kòta Troas nàwhıhtla ıle. Gots'ò K'àowo ekò dò ts'ò gohde ha segha hòzoò ayıllà. ¹³ Hanikò seot'ı Titus ekò wegòhòò-le t'à sù weghò nanıwhò ıle, eyıt'a ekò dò ması gèehsı tı'axòò Macedonia nèk'e ts'òet'ı ahja.

¹⁴ Hanikò Nòhtsı sù ması wets'ıhwhò họt'e, ededı t'aats'òò Zezi-Krı wexè k'egohı. Zezi-Krı edegħa dò dehnòò ats'ıt'e t'à, dò hazòò gınadaà enıyah xè wek'èts'adè họt'e. Hazòò nèk'e k'ets'edèe sù goxı got'à dò Zezi-Krı k'ègeezòò agohı, t'ası

lekqo ledi lats'ut'eè agòòlà họt'e. ¹⁵ Nòhtsı sù dọ edaxàgeedè eyıts'ọ dọ gidıholèè sù gıgha Zezi-Krı wets'ọ t'ası lekqo ledi lats'ut'eè agòòlà. ¹⁶ Dọ edaxàgeedè sù gıt'à eda gha t'ası lekqo ledi lats'ut'e, hanikò dọ gidıholèè sù gıt'à ełààde gha t'ası weju ledi lats'ut'e. Ami la hadeèzhì yeghàlaeda ha yexèht'eè? ¹⁷ Dọ ıọ gıxèht'eè eghàlats'eeda niile, Nòhtsı yatı t'à dọ ts'ò gots'ede k'èxa gots'àzeedi t'à sòmba ts'ehtsı niile. Hanı niile, Nòhtsı dọ ts'ò gojhà ats'ut'e t'à, Zezi-Krı wedaxà Nòhtsı wenadaà ehkw'ı dọ gıts'ò gots'ede họt'e.

3

¹ Eyıt'à edeghọ xadahots'edi ats'edi dahwhọ ni? Dọ mòhdaa hoghànaxegeehtọ ha giıwọ nıdè, dọ dàhòt'ı agııt'e ghọ enıht'è edexè k'egehchı ha dahwhọ. Goxı sı hanı nıht'è naxıts'ò k'ets'ehchı ha dahwhọ ni? Hanı-le-ıdè hanı enıht'è goghàahà ha dahwhọ ni? ² Naxı gonıht'è laah't'e, godzeè k'e dek'enaxèeht'è, dọ hazòò gık'èezọ xè gık'eyahtı họt'e. ³ Naxı sù Zezi-Krı wets'ọ enıht'è nezı laah't'e, naxıta eghàlats'eeda t'à. Edotı t'à naxık'e aat'è niile, Nòhtsı edaa sù wets'ọ İni Degai t'à naxık'e aat'è họt'e. Eyıts'ọ kwe k'e weyatı dek'eèht'è niile, naxıdzeè yı dek'eèht'è họt'e.

⁴ Eyı weghọ sù Zezi-Krı wets'ıhò Nòhtsı wenadaà hotı ehkw'ı-ahodı ts'ıwọ họt'e. ⁵ Goxı godaxà hats'edi niile. Goxı whatsoò t'ası ts'ııı niile, hanikò Nòhtsı hanı eghàlats'eeda ha goghàhòızo họt'e. ⁶ Nakenahòdı wegòò k'èè nezı eghàlats'eeda gha wecheekè ts'ııı agòòlà. Eyı nàowo gòò sù nàowo zoà xèht'eè niile,

hanikò Yedàyeh Neẓẓ wenàowoò họt'e. Nàowo zọq dek'eèht'èe sù ẹ̀l̀aàts'edeè agohzì, hanikò Yedàyeh Neẓẓ wet'à ts'eeda họt'e.

Nakenahòdl̩ wegòò sù eniyyah họt'e

7-8 Nàowo kwe k'e dek'eèht'èe sù wet'à ẹ̀l̀aàts'ede kò, eniyyah nechàa k'ẹ̀ẹ̀ gots'ọ̀ niit'ọ̀ họt'e. Moses wini k'e saɪd̩ sù while adaade kò Israel got'ì whaà ts'ọ̀ gɪghàeda ha dii ɪ̀lè. Nàowo kwe k'e dek'eèht'èe sù weghọ eniyyah ɪ̀lè, hanikò Yedàyeh Neẓẓ t'à ayi goghọt'ọ̀ọ̀ sù eyi denahk'e weghọ eniyyah nechàa họt'e. 9 Nàowo wet'à dọ ẹ̀l̀aàgede gha gɪsɪniyaeti sù eniyyah họt'e nɪdè, nàowo neẓẓ wet'à ehkw'ɪ agòìdlàa sù dàɪhcho ts'ọ̀ wenahk'e eniyyah dèe el̩! 10 Ayi eniyyah el̩ ɪ̀lè sù dii gogha eniyyah-le aja, dii hòt'a ayi denahk'e eniyyah sù wek'èts'eezọ̀ ats'ejà t'à. 11 Ayi while adaadee sù eniyyah t'à nàhòwo nɪdè, ayi welọ while ts'ọ̀ whezọ ha sù wenahk'e eniyyah deè el̩ họt'e!

12 Hanì gogha ehkw'ɪ-ahodì t'à sù weghọ gomì nàtso họt'e. 13 Moses xèts'ìht'e niile. Wini k'e saɪd̩ sù while adaade kò, edini k'e zèht'ɪ whehchì ayìl̀à, Israel got'ì wini k'esaɪd̩ ghàgeeda hale t'à. 14 Hanikò gɪmiedi ha gɪkwì dezhi adlà. Di dzeè ts'ọ̀ nakenahòdl̩ wezọ̀ọ̀ gɪk'eyahti nɪdè gɪmiedi ha dii, eyi zèht'ɪ ɪ̀l̀aà gɪgha eniht'è k'e whehchì lanì. Eyi zèht'ɪ sù gɪgha ɪ̀d̀ọ̀ adlà niile, Zezi-Kri wedahxà nɪdè zọ eyi zèht'ɪ gɪgha ɪ̀d̀ọ̀ adle ha họt'e. 15 Di dzeè ts'ọ̀ Moses wenihht'è k'eyagehti nɪdè gɪmiedi-le, ɪ̀l̀aà gidzeè k'e zèht'ɪ whehchì lanì họt'e. 16 Hanikò dọ gots'ọ̀ K'àowo gɪgha ehkw'ɪ-ahodì agejà nɪdè, eyi zèht'ɪ sù gɪgha ɪ̀d̀ọ̀ adle ha họt'e. 17 Gots'ọ̀ K'àowo ɪ̀ni Degai họt'e, eyits'ọ̀ edì

gots'ò K'àowo wets'ò Ìnì Degai wehòhʔò sù dọ k'ahogedè agùdlà họt'e. ¹⁸ Goxì sù goinì k'e zehť'ì whehchì nùile, gots'ò K'àowo dànì eniyyah elù sù gok'e saıdı họt'e. Gots'ò K'àowo, Ìnì Degai elù sù godzeè yì eladı agohʔì, eyit'à denahk'e wexèht'eè ats'et'ì agohʔì.

4

Godzeè yì t'asì eniyyah k'èts'edi

¹ Nòhtsì wesonıwọ dahxà dı la goghòt'ò họt'e, eyit'à gogha gots'eèdı ha nùile. ² Hanikò dezù k'ehots'ezà eyits'ò t'asì weghọ ùzhats'ùlù sù wede ha ts'ıwọ. Dọ ghoyats'eezà t'à eghàlats'eeda nùile, eyits'ò Nòhtsì weyatì ladı ats'ehʔì nùile. Hanikò dọ ededzeè t'à gogeèkw'ò ha ts'ıwọ t'à Nòhtsì wenadaà nàowo ehkw'ı ghọ hotì ehkw'ı gots'ede họt'e. ³ Gots'ò godı nezù sù dọ mọhdaa degàà gımedì-le t'à gıgha zehť'ì zù wheʔò lanì, dọ gıdihòè ha ts'ò gıadè sù gıgha hanì họt'e. ⁴ Wehù dı nèè gha k'àowo elù sù dọ gıgha ehkw'ı-ahodì-le sù gını t'à gıgha xègaat'ı-le agòòlà. Eyit'à Zezì-Krı wegodì nezù ts'ıhʔò dọ xè dzeğ hòʔò sù gıgha wègaat'ı ha dı, eyits'ò Zezì-Krı eniyyah wehòhʔò xè hotì Nòhtsì xèht'eè wègaat'ù sù, gımedì ha dı họt'e. ⁵ Goxì edeghọ gots'edeè-ats'edi-le, Zezì-Krı, t'asì hazòq ts'ò k'àowo elù sù weghọ gots'edeè-ats'edi. Zezì wets'ıhʔò naxıgha eghàlats'eeda họt'e. ⁶ Nòhtsì hadı, “Togoòť'òo yì gots'ò dzeğ xàıdı awede,” hadı sù godzeè yì dzeğ nıdı ayılà, eyi ts'ıhʔò Zezì-Krı weghàts'eeda nıdè Nòhtsì dànì eniyyah elù sù wek'èts'eezọ ats'et'ì.

⁷ Gozhìi kwetq lanì sù weyì t'asì enìyah k'èts'edi hq't'e. Eyì t'asì enìyah xè nàtsoo sù Nòhtsì wets'q hq't'e wek'èhoedzq, goxì gots'q nùle. ⁸ Goxì sù hazqò gomqò goò?àa ts'ò dq gogha hoila hogehtsì, hanìkò anats'et'è nùle; gogha hoezhì agot'ì kò gogha ahxe while ts'ùwq-le, ⁹ dq da-gogùhza hanìkò Nòhtsì zògoehdè while, dèè k'e ts'ò gogeèhde hanìkò godihogèhtsì while. ¹⁰ Zezì dànì gogha dà?àa xè ɛ̀ɛ̀woo sù t'aats'qò gozhìi yì edexè k'ets'eza hq't'e, eyì ts'ihzò Zezì gozhìi yì edaa sù wek'èedzqò ade ha. ¹¹ Goxì ɛ̀ɛ̀à ts'eeda et'ì t'aats'qò Zezì wets'ihzò ɛ̀ɛ̀àts'ede ha gogha hòzq hq't'e, hanì-ɛ̀dè gozhìi ɛ̀ɛ̀àwì ha sù weyì Zezì edaa sù wek'èedzqò ade ha hq't'e. ¹² Eyìt'à goxì t'aats'qò ɛ̀ɛ̀àts'ede lanì, hanìkò eyì ts'ihzò naxì sù aahda gha adlà hq't'e.

¹³ Dì hanì dek'eèht'è, “Segha ehkw'ì-ahodì t'à weghq gohde hq't'e,” dek'eèht'è. Goxì sù eyì xèht'èè gogha ehkw'ì-ahodì t'à weghq gots'ede hq't'e. ¹⁴ Nòhtsì sù Zezì-Krì nàidà ayìlì hq't'e, goxì sù Zezì xè nats'idà agole ha hq't'e, eyìts'q naxìé wenadaqà nàts'eèhzaà agole ha wek'èts'eezq. ¹⁵ Eyì hazqò sù wet'àhoahwhì gha agòjà hq't'e. Hanì-ɛ̀dè Nòhtsì wesqniwqò sù dezqò dq lq ts'ò ade ha, dezqò dq lq Nòhtsì masì gùwq ha, eyìts'q enìyah xè dezqò dq lq Nòhtsì ghàsogeedì agede ha.

¹⁶ Eyìt'à gogha gots'eèdì nùle. Gozhìi nàtso-le adaade kò dzq taat'èè goinì t'à denahk'e nàts'etsoò agodaade hq't'e. ¹⁷ Whaà-lea gots'q yaazea goxè hoila hq't'e, hanìkò wet'à welq while ts'ò goxè sù enìyah hòzq gha agot'ì hq't'e, eyì sù hazqò t'à denahk'e wet'àazà hq't'e. ¹⁸ Eyìt'à ayì wègaat'ù sù gha

goini nàtso ats'ùhwhọ-le, hanìkò ayì wègaat'ì-le sìi gha goini nàtso ats'ùhwhọ họt'e. T'asì wègaat'ù sìi whaa-le gots'ò zọ gha họt'e, ekò t'asì wègaat'ì-le sìi welọ while ts'ò gha họt'e.

5

Yak'e gokò gòzọ họt'e

¹ Dii nèk'e ts'eedaa sìi whaa-lea gots'ò nìhbàa yì nàts'edè lanì họt'e. Eyì nìhbàa wedihoè nìdè yak'e welọ while ts'ò gogha kò gòzọ họt'e. Eyì sìi dọlà t'à hòèlì nùle, Nòhtsì godawhezọọ ayìlà wek'èts'eezọ họt'e. ² Hanìkò ìlāà dii nèk'e ts'eeda et'ìi godzeè etse, yak'e gokò yì nàts'edè ha ts'ùwọ t'à. ³ Gokò yì nàts'edè nìdè goht'ọ yì ts'eèkw'e lanì ha, hanì-ìdè ìht'edẹ gògaat'ì ha-le. ⁴ ìlāà dii nèk'e nìhbàa yì ts'eeda et'ìi godzeè etse xè dats'ùzà họt'e. Etets'eèt'ì ha ts'ùwọ-le, hanìkò yak'e gokò yì nàts'edè ha ts'ùwọ. Gozhìì ẹlāàwù sìi gozhìì welọ while ts'ò eda ts'ò ịatats'eedè ha ts'ùwọ. ⁵ Nòhtsì sìi goxè hanì hòzọ gha gòhtsì ìlè, eyit'à Yedàyeh Nezu gots'ò ayìlà, eyì wet'à gogha nadaà sọmba nìzọ lanì, eyì weghàà ìdaà ayì gogha whelaa sìi hotù goghọt'à gha ayìlà.

⁶ Eyit'à gozhìì t'à ìlāà ts'eeda et'ìi gots'ò K'òowo wets'ọ nìwà ts'eèkw'e hotù godzeè t'à wek'èts'eezọ họt'e. ⁷ Ayì gogha ehkw'ì-ahodù sìi k'èè ts'eeda họt'e, ayì gogha wègaat'ù sìi k'èè ts'eeda nùle. ⁸ Eyì sìi hotù godzeè t'à gogha ehkw'ì-ahodì họt'e. Gozhìì wets'ọọ nàts'edè gà gots'ò K'òowo wexè ats'ùt'ee sìi, eyì denahk'e gogha nezì họt'e. ⁹ Eyit'à gozhìì yì ts'eedaa, gozhìì yì ts'eeda-le, ehk'èè gots'ò K'òowo wìnà hots'ehtsì ha ts'ùwọ họt'e. ¹⁰ Ehkw'ì

anaxèhsɿ, goxɿ hazqò Zezi-Krɿ wenadaà nìts'edè gà gosinìyaehtɿ ha hq̄t'e. Dq̄ hazqò ɿlaà edezhì ɿi geeda et'ì ayì hogehtsɿ k'èxa gɿghàhòt'à ha. Ehw'ɿ gɿdà, hanì-le-ɿdè ehkw'ɿ gɿdà-le k'èxa goghàhò?à ha.

Nòhtsɿ wexè ts'èwhì ts'eeda

¹¹ Eyit'à dànì gots'ò K'àowo wek'èats'ɿt'e ha wek'èts'eezq̄ t'à, dq̄ ɿadì agede ha gɿghq̄dats'eehnè ha hots'eèhdzà. Dànì ts'eedaa sɿ Nòhtsɿ wegga hotù nezì wègaat'ɿ hq̄t'e, eyits'q̄ naxɿ sɿ naxìni gha hotù nezì wègaat'ɿ nìdè dehwhq̄. ¹² Haehsɿ t'à naxìts'ò edeghò xàdahots'edì ats'edì nùle, hanìkò naxɿ goghò xàhoahdì gha gots'ede. Hanì-ɿdè, dq̄ dànì gègaat'ɿ ghò xàhogedì hanìkò gɿdzeè ɿi dàgòht'e ts'ònegɿzà-le sɿ gɿts'ò goahde ha dɿi-le agode ha. ¹³ Ezhìne k'èè k'ehots'eza nìdè Nòhtsɿ wegga hadets'ɿlà hq̄t'e; gots'ɿzq̄ k'èè k'ehots'eza nìdè naxìgha ats'et'ɿ hq̄t'e. ¹⁴ Zezi-Krɿ goghq̄neètq̄ t'à hanì wegga eghàlats'eeda ha ts'ɿwq̄. Dq̄ ɿè dq̄ hazqò gha ɿɿwò, eyit'à dq̄ hazqò ɿɿdè hq̄t'e, eyi gogha ehkw'ɿ-ahodì t'à ats'et'ɿ. ¹⁵ Ededɿ sɿ dq̄ hazqò gha ɿɿwò t'à, dq̄ geedaa sɿ edegha geeda ha nùle hanìkò amì gogha ɿɿwò eyits'q̄ gogha naìdà sɿ wegga geeda ha hq̄t'e.

¹⁶ Eyit'à jò gots'q̄ ɿdà dɿ nèè gots'q̄ dq̄ gɿnàowo k'èè dq̄ wɿzì gɿsinìyats'ehtɿ ha nùle. ɿnè sɿ Zezi-Krɿ hanì wesinìyats'ɿhtɿ ɿè, hanìkò dɿ sɿ hats'et'ɿ-le ats'ejà. ¹⁷ Eyit'à dq̄ Zezi-Krɿ xè edaa sɿ dq̄gòò ɿhè hq̄t'e. Wenàowo zq̄ sɿ wedè adlà, wenàowogòò wet'axq̄ò ajà. ¹⁸ Eyì hazqò sɿ Nòhtsɿ ayehzɿ hq̄t'e. Ededɿ sɿ Zezi-Krɿ wet'òò wexè ts'èwhì ts'eedaà agòòlà, eyits'q̄ godì nezì dq̄ ts'ò hats'edì gha,

la goghàrɔ hɔt'e. ¹⁹ Nòhtsɪ sɪ Zezì-Krɪ wet'òò dɪ nèk'e dɔ edexè ts'èwhɪ geedaà agòòlà, eyit'à gɪhoɪ k'èxa gosɪnɪyaehtɪ nɪle. Nòhtsɪ dànɪ dɔ edexè ts'èwhɪ geedaà agohɪ sɪ weghɔ dɔ ts'ò hats'edɪ ha goghàhòrɔ hɔt'e. ²⁰ Eyit'à goxɪ sɪ Zezì-Krɪ wegha dɔ ts'ò gots'edee ats'ɪt'e. Goxɪ got'à Nòhtsɪ naxɪts'ò gode lanɪ hɔt'e. Zezì-Krɪ wedahxà naxɪghɔnàdats'eeti: Nòhtsɪ wexè ts'èwhɪ aahda, naxèts'edɪ. ²¹ Zezì wehoɪ wɪle sɪ Nòhtsɪ gogha hoɪ wek'e whelaa ayɪlã, hanɪ-ɪdè Zezì wet'òò Nòhtsɪ ehkw'ɪ ts'eedaa agole ha.

6

¹ Goxɪ Nòhtsɪ gha elexè eghàlats'eedaa ts'ɪɪ sɪ Nòhtsɪ wesɔnɪwɔ k'èt'ò naxɪts'ò awede-le, naxèts'edɪ naxɪghɔnàdats'eeti. ² Nòhtsɪ ededɪ dɪ hadɪ,

“Naxɪts'ò sɪnɪ nezɪ ekò k'e naxeèhkw'ò ɪlè, eyɪts'ò dɔ edaxàgehlee dzeɛ k'e naxɪts'àehdɪ ɪlè,” hadɪ.

Ehkw'ɪ anaxèehsɪ, dɪ sɪ Nòhtsɪ naxɪts'ò wɪnɪ nezɪ hɔt'e, dɪ edaxàgolee dzeɛ hɔt'e.

Paul wexè hoɪla k'ehokw'o

³ T'asɪ wɪzɪ t'à dɔnɪ tsɪts'ehwhɪ ha ts'ɪwɔ-le, hanɪ-ɪdè godɪ nezɪ gha eghàlats'eedaa sɪ wets'ihɔ t'asɪ nezɪ-le t'à dɔ gok'e nidahogeezà ha-le. ⁴ Hanìkò t'asɪ hazòò ghàlats'eeda weghàà Nòhtsɪ xàè wecheekeè ats'ɪt'ee sɪ dɔ gɪk'èezɔ ha: dànɪ ts'èwhɪ dats'ɪzà t'à, dànɪ goxè hoɪla ɪ t'à, dànɪ gogha dɪ agot'ɪ t'à, dànɪ goxè hoeɪ k'ehokw'o t'à; ⁵ gokwòqyaà-gogehɪ t'à, dɔ-danɪlaa-kò nègogɪle t'à, gots'ihɔ dɔ xè nàdahooowo hogehtsɪ t'à; la nàtso ghàlats'eeda t'à, ɪ-eht'aà to ts'ete-le eyɪts'ò dets'eèhdɪ t'à; ⁶ dànɪ degaɪ k'èè ts'eedaa,

Nòhtsı yatı nıts'eedi, dı xè ts'èwhı hots'èhıqı xè etegets'eèı; dani Yedayeh Neı k'èè ts'eedaa eyıts'ı dani hotı dı ghonets'eètı; ⁷ dı ts'ı ehkw'ı gots'edee t'à, eyıts'ı dani Nòhtsı wedahxà eghàlats'ıdàa t'à; nàowo ehkw'ıı wet'à elets'egı lanı nàgòts'ehnè eyıts'ı gots'ıhts'ı wet'à-ats'et'ı; ⁸ dı goghı neıı agedı hani-le-ıdè gok'adageedè, goghı neıı agedı hani-le-ıdè goghı neıı agedı-le; godzè t'à ehkw'ı gots'ede hanıkò dı mòhdaa eghıyaeza-dı ats'ııt'e gògedı; ⁹ dı gok'ègeezı kò gok'ègeezı-le lanı gots'ı nageza; ełàats'ede ha weli lanı hanıkò ıàà ts'eeda hıt'e; nàgoakwa hanıkò ełàats'ıdè-le, ¹⁰ dats'ııza hanıkò t'aats'ıqı sıts'eèt'ı; etets'eèt'ı hanıkò dı ıı ahxèè lagets'ıııà; t'ası wıııı gots'ı-le hanıkò t'ası hazıqı gots'ı hıt'e. Eyı hazıqı weghàà xàè Nòhtsı wecheekè ats'ııt'ee sı dı gık'èezı ha.

¹¹ Naxı Corinth got'ıı yàahı sı edèdats'eedi-le xè naxıts'ı gots'ııde hıt'e, eyıts'ı godzè t'à naxıts'ı neıı ats'ııwı hıt'e. ¹² Godzè t'à t'aats'ıqı naxıghonets'eètı hıt'e, hanıkò naxı sı goghııahtı gha edèdaahdı. ¹³ Seza laah't'e lanı dı hanaxèehı ha: Goxı naxıghonets'eètı xèht'eè goghııahtı ha dehwhı, gots'ı naxıdzeè nechà aahle.

Dı gıgha ehkw'ı-ahodı-le sı gıxè ıè laah't'e-le

¹⁴ Dı gıgha ehkw'ı-ahodı-le sı gıxè ıè laah't'e-le. Dı ehkw'ı geedaa eyıts'ı dı nàowohı k'èè geedaa sı ełexègıht'e nıle. Dzèh eyıts'ı to-goòt'ıo sı ełèht'eè nıle. ¹⁵ Zeı-Krı eyıts'ı wehı sı ełek'èè agııwı nıle. Dı wegha ehkw'ı-ahodı eyıts'ı dı wegha ehkw'ı-ahodı-le sı ełègıht'e hııı nıle. ¹⁶ Nòhtsıkò-gocho eyıts'ı nòhtsı hòèıı wets'ı

yahtu-kò sù ełek'èè agıwọ nùle. Goxı sù Nòhtsı edaa wekò lats'ıtt'e họt'e. Nòhtsı dıı hadı ıle,

“Gıdzeè yı̀ nàhdè ha eyıts'ọ gıta aht'e ha, Gınòhtsı ehlı ha, eyıts'ọ sets'ọ dọ gılı ha.”

¹⁷ *“Eyıt'à gıgha ehkw'ı-ahodı-le sù gıta gots'ọ xàahdè, gıxè aah'tı-le. T'asù hołı ne sù daahchì-le, hanı-ıdè sets'ọ dọ aahlı anaxehle ha.”*

¹⁸ *“Naxıtà ehlı ha, eyıts'ọ naxı seza eyıts'ọ setı aahlı ha, Nòhtsı t'asù wegħa dıı-le sù hadı,” họt'e.*

7

¹ Seàgıa, Nòhtsı hanı goxè yatı whehtsı t'à, t'ası hazòò hołı ne sıı wedè ats'ıle. Gozhıı eyıts'ọ gomı t'à hołı hots'ehtsı sıı k'alats'ıdè-le. Nòhtsı gots'ọ wek'èch'a sòò ts'ıwọ t'à hotıı degaı k'èè ts'ıdà.

Paul sù wınà agòjà

² Naxıdzeè yı̀ gogħa gòzòò aahle. Dọ wıızıı k'èch'a hots'èhtsı whıle, dọ wıızıı ekọ-le eghalaıdà ats'ılà whıle, eyıts'ọ dọ t'à edegħa sıghà k'ehots'ııza whıle.

³ Eyı hanı naxıts'ọ gohdee sıı naxısmıyaehtıı aehsı-le. Godzeè t'à naxıghonets'eètọọ sıı naxıts'ọ haehsı ıle, eyıt'à naxıxè ts'eeda eyıts'ọ naxıxè ełaaats'ede għa ts'eèhkwe họt'e. ⁴ Sıı naxıghọ ehkw'ı aahwhọ họt'e eyıts'ọ naxıghọ xàhohdı. Naxıts'ıhzò sını nàtsoò ajà. Gogħa hoıla ıọ kò sıı sına họt'e.

⁵ Macedonia nèk'e nèts'ııde ekò, goxè ts'èwhıı gòıà-le. T'aats'òò goxè hoıla k'ehokw'o t'à godzeè deıı ıle. ⁶ Hanıkò dọ gıxè hoılaa sıı Nòhtsı gıdzeè t'à nàtsoò agohıı họt'e. Titus gots'ọ nııtla t'à Nòhtsı godzeè nàtsoò ayıılà họt'e. ⁷ Edeđı gots'àèhtla zọ t'à godzeè nàtsoò ajà nùle, naxı sıı wedzeè nàtsoò awèahla t'à godzeè nàtsoò adla họt'e. Naxıdzeè t'à

seahzì ha dahwhò, dànì ts'òòdahwhò, eyits'ò dànì sù seghò nàniاهدè sù ghò goxè goado. Eyit'à sù denahk'e sinà họt'e.

⁸ Naxits'ò ìhtl'èe t'à naxidzeè etsee ahlà sòni kò wek'eehl-le. T'akwelòò wek'eehl ìlè, naxits'ò eehtl'è t'à naxidzeè etsee ahlà t'à, hanikò whaà-lea ts'ò zò naxidzeè etse họt'e. ⁹ Eyit'à dù sinà họt'e. Naxidzeè etse t'à sinà nùile, hanikò naxidzeè etse t'à edek'eahl xè naxinì ladij aahlà t'à sinà họt'e.

Nòhtsì hanì edek'eahl naxiwhò họt'e, eyit'à goxì dànaxèts'edù t'à naxinì tsìts'ìhwhò nùile.

¹⁰ Nòhtsì winì k'èè godzeè etse nìdè edek'ets'ìlì, eyi wet'à edaxàgotè họt'e. Hanì godzeè etse nìdè idaà t'asì wìzì k'ets'ìlì ha-le. Hanikò dò ginàowò k'èè godzeè etsee sù wet'à efaàts'ede ha họt'e.

¹¹ Nòhtsì winì k'èè naxidzeè etse t'à eładij aahjàa sù wedaàniاهدè. Dù wet'à Nòhtsì gha naxinì nàtsoò ajà, hòlì nàowò wedè ha dahwhò aahjà, dò hòlì hogehtsì nìdè naxik'èch'a họt'e, wet'à dajiahdeè laahjà, eyi ts'ihzò seahzì ha dahwhò, wet'à sedaàniاهدè aahjà, t'asì hazòò ekò-le sù ìwhàà wesinìyaeti ha dahwhò.

Eyi hazòò hòlì k'èè k'ehokw'oo sù naxì naxixè agot'ì nùile naxik'èedzòò aahlà họt'e. ¹² Naxits'ò ìhtl'è ekò, dò ekò-le hòèhtsì hanì-le-ìdè dò wets'ò ekò-le eghàaleda ts'ihzò naxits'ò ìhtl'è nùile. Hanikò Nòhtsì wenadaà dànì naxidzeè t'à goghoniahtòò sù wek'èahsò ha dehwhò t'à, naxits'ò ìhtl'è họt'e.

¹³ Eyi hazòò wet'à sù godzeè t'à nàts'etsoò ats'èjà.

Eyi xè Titus sù winà awèahlà wek'èts'eezò t'à, denahk'e goinà họt'e. ¹⁴ Wets'ò naxighò xàdahohdì ìlè, eyits'ò naxighò jìzhaehl-le asèahlà. T'asì hazòò naxits'ò hats'edù sù ehkw'ì zò họt'e, eyi xèht'èè

Titus ts'ò naxıgho xadahots'edi sù eyi sı ehkw'ı hõt'e wek'èhoedzoò ajà. ¹⁵ Dànì hazòò wek'èaht'e yenadi nıdè denahk'e ededzeè t'à naxıghoneètò hõt'e. Dànaxèhdi ha sını dahwhò t'à wets'aahtı kò nezı wets'ò naahza ıle, eyıts'ò t'ası hazòò t'à wek'èaht'e ıle. ¹⁶ T'ası hazòò ehkw'ı weghàlaahda ha hotı wek'èehsò t'à sına hõt'e.

8

Corinth got'ı Nòhtsı wets'ò dọ gha sọmba nàgehtsı

¹ Sèot'ı, Macedonia nèk'e kòta gòlaa sù dànì Nòhtsı edecheekeè gots'ò sınıwòò sù wek'èahsò ha naxıts'ıhwhò. ² Sù gıxè hoıla ıò kò sù sọgıwò, eyıts'ò sù etegeèt'ı kò ededzeè t'à t'aats'òò t'ası dọ ghàgele. ³ Ehkw'ı anaxèehsı, t'ası t'à dọ ts'àgedı ha dı-le sù t'à dọ ts'àgıdì, eyi wete ts'ò dọ ts'àgıdì. Edeı xàè hagıwò t'à, ⁴ goxè Nòhtsı wets'ò dọ ts'àgedı ha goghònadageeti. ⁵ Hahcho ts'ò dọ ts'àgedı ha ts'ıwò-le ıle. T'akwelòò gots'ò K'àowo ghàdegıla, eyi t'axòò Nòhtsı wini k'èè goxı sı goghàdegıla. ⁶ Titus edeı naxıta dọ gha sọmba nàhtsı yexèhoıhwho ıle t'à, naxıdzeè sınıwò t'à dọ ts'àahdı sù deghàà nàyehtsı ha wets'edi hõt'e. ⁷ T'ası hazòò t'à dezoò nezı eghàlaahda hõt'e. Nòhtsı ghò naxını nàtsoo t'à, yatı t'à, t'ası k'èahsò t'à, dọ ts'àahdı ghò hòt'ò aahwhò t'à, eyıts'ò sù goghònahtò sı t'à. Hotı eyi xèht'eè naxıdzeè sınıwò t'à dọ ts'àahdı sù eyi denahk'e nezı aahle gha edeahdzà.

⁸ Eyı haahle ha dehsı-aehsı-le, hanikò naxeèhdzà aht'ı. Dànì dọ eyı-le Nòhtsı wets'ò

dọ ghonegeètọọ sị asị̀ gixèht'eè hòt'l'ò gighoniahtọ gha naxeèhdzà aht'ı. ⁹ Gots'ò K'àowo Zezi-Krı gots'ò sọniwọọ sị wek'èahsọ họt'e. Ededı sị ahxe elı ilè hanikò naxıgha eteèt'ı̀ adiidlà họt'e. Eteèt'ı̀ adiidlà t'à naxıxè ahxe hòzọ agode ha.

¹⁰ Ayı̀ naxıgha denahk'e nezı̀ sị gha yatı naxıghàehzà ha. İdì xok'e naxı t'akwełòọ Nòhtsı wets'ọ dọ sọmba t'à gıts'àahdı ilè, eyı zọ niile, naxı t'akwełòọ hanı eghàlaahda ha ghọ hòt'l'ò dahwhọ ilè. ¹¹ Eyı la dii weghọ naah'tè ts'ò weghàlaahda. Hanı-ıdè naxını nezı̀ k'èè dahwhọ ilè sị wexèht'eè deghàà weghàlaahda. Eyıt'à ayı̀ dàtłọ naxıts'ọ sı weghàà dọ ts'àahdı. ¹² Godzèè t'à t'ası̀ dọ ghàts'eza nıdè Nòhtsı wegħa nezı họt'e. Ayı̀ dàtłọ gots'ọ weghàà t'ası̀ dọ ghàts'eza ha goıhwħọ họt'e, t'ası̀ gots'ọ-le weghàà ats'et'ı ha goıhwħọ niile.

¹³ Naxıgha t'ası̀ while agode ha eyıts'ọ dọ eyı̀-le gıxè t'ası̀ lọ agode ha ts'ıwọ niile, hanikò hazọọ elèht'eè t'ası̀ naxıts'ọ ha ts'ıwọ. ¹⁴ Diı t'ası̀ lọ naxıts'ọ sı wet'à dọ t'ası̀ gıts'ọ-le ts'àahdı ha dii-le. Hanı-ıdè ededı t'ası̀ dezọọ gıts'ọ nıdè naxıts'àgedı agode ha. Hanı-ıdè hazọọ elèht'eè t'ası̀ gots'ọ ha. ¹⁵ Diı hanı dek'eèht'l'è k'èè: “Amı t'ası̀ lọ nàwhehtsı̀ sı sı dezọọ t'ası̀ lọ wets'ọ-le, eyıts'ọ amı t'ası̀ lọ-lea nàwhehtsı̀ sı sı t'ası̀ wets'ọ-le niile,” dek'eèht'l'è.

Titus, kọta Corinth ts'ò adlà

¹⁶ Dàni naxıxè hòzọ ha dehwhọọ sı Nòhtsı Titus hanı nàniwoò ayı̀là họt'e, eyıt'à Nòhtsı ması weehwhọ. ¹⁷ Titus naxıts'ọ wets'eèhzàa sı hayele ha zọò-le, ededı hanıwọ t'à naxıts'atla ha sı winà

họt'e. ¹⁸ Nòhtsɿ cheekeè ɿlè wexè ats'ele ha. Eyɿ dọ godɿ nezɿ ɿha nezɿ eghàlaɿdà t'à Nòhtsɿ wecheekeè hazọọ ɿghọ ɿghà aɿedɿ họt'e. ¹⁹ Eyɿ zọ-ɿle, sọmɿba dọ degaɿ ts'ọ ts'ewa ɿha goxè ade ha Nòhtsɿ wecheekeè eyɿ dọ ɿghhchì họt'e. Eyɿ sọmɿba ɿghàts'ewa ha sɿ, wet'à Nòhtsɿ ɿghàsọhoedɿ eyɿts'ọ sɿ ɿts'ats'edɿ ha ts'ɿwọọ sɿ ɿk'èezọ ɿha ats'et'ɿ. ²⁰ Eyɿ sọmɿba haàtłọọ k'ets'eele sɿ weghọ yatɿ lọ ha ts'ɿwọ-le. ²¹ Eyɿt'à ehkw'ɿ weghàlats'eeda ha ts'ɿwọ. Nòhtsɿ wenadaà zọ-ɿle hanikò dọ hazọọ ɿnadaà ehkw'ɿ k'ehots'eza ha ts'ɿwọ họt'e.

²² Eyɿts'ọ k'achɿ dọ ɿlè eyɿ dọ nàke ɿxè ats'ele ha. Ededɿ sɿ goxè eghàlaɿdà ɿlè t'à wɿnì nàtsoo xè dànì la ɿghọ họtɿ sɿ wek'èts'eezọ họt'e. Ehkw'ɿ eghàlaahda ha naxɿhwhọ t'à denahk'e goxè eghàlaeda ha nɿwọ họt'e. ²³ Titus ededɿ sexè eghàlaeda họt'e, eyɿts'ọ setɿ'axọọ naxɿta eghàlaeda họt'e. Eyɿts'ọ wexè dọ nàke sɿ Nòhtsɿ cheekeè hazọọ ɿha k'ehogeza t'à Zezi-Krɿ weghàsọhoedɿ adlà họt'e. ²⁴ Eyɿt'à eyɿ dọ tai ɿghọnahtọọ sɿ ɿk'èezọọ aɿiahlè, eyɿts'ọ ayɿ ɿghọ naxɿghọ xàhòts'edɿ sɿ wek'èè ehkw'ɿ eghàlaahda. Hanɿ-ɿdè Nòhtsɿ wecheekeè hazọọ ɿk'èezọ ha.

9

¹ Nòhtsɿ wets'ọ dọ dànì ɿts'ats'ɿdɿ sɿ weghọ naxɿts'ọ ehtɿ'è-le kò. ² Dọ degaɿ ɿts'aaɦdɿ ha hòt'ò aahwhọ họt'e wek'èehsọ. Macedonia nèk'e Nòhtsɿ cheekeè nàgedèe sɿ naxɿghọ ɿts'ọ xàdahohdɿ ɿlè. ɿdɿ xok'e naxɿ Achaɿa nèk'e nàahdèe sɿ sọmɿba t'à dọ degaɿ ts'aaɦdɿ ha dahwhọ họt'e ɿèhsɿ ɿlè. Naxɿnà hanì eghàlaahda t'à Macedonia got'ɿ ededɿ sɿ sọmɿba elègɿla. ³ K'èt'ò naxɿghọ xàdahohdɿ

ha-le t'à dɔ dɔ tai naxits'ò gɪhʔà hɔt'e. Hanì-ɪdè eyi sɔm̄ba nàw̄hahtsɪ sɪ ts'atà gɪtl'aahle ha, wheahla gèehsɪ ɪlè t'à. ⁴ Macedonia got'ɪ sexè naxits'àgede ha sɪ gɪgha sɔm̄ba ts'atà wheahla-le nɪdè goxɪ naxɪghɔ xàdahots'edi ɪlè sɪ naxɪghɔ ɪɪzhats'ɪɪɪ ats'ede ha, eyits'ɔ naxɪ sɪ edeghɔ ɪɪzhaahɪ aahde ha. ⁵ Eyɪ hagode ch'à eyɪ dɔ tai gonakweè naxits'àgede nɪdè denahk'e nezɪ ha dehwhɔ. Naxɪdzeè t'à sɔm̄ba dɔ ghàahle ha dahɪ ɪlè sɪ t'à naxits'àgedɪ ha. Hanì-ɪdè naxɪdzeè t'à sɔm̄ba gɪghàahle ha, eyits'ɔ naxɪnì k'èch'a aahle ha-le.

Godzeè t'à t'asɪ dɔ ghàts'eʔà

⁶ Dɔ hats'edɪ hotɪ wenaahdì: Amɪ t'asɪ dehshee ɔ-lea dèè goyɪ yeleè sɪ t'asɪ dehshee ɔ-lea nàhtsɪ ha, hanìkò amɪ wet'à t'asɪ dehshee ɔ dèè goyɪ yeleè sɪ t'asɪ dehshee ɔ nàhtsɪ ha. ⁷ Dɔ ededzeè t'à dàtlɔ sɔm̄ba dɔ ghàyele ha nɪwɔɔ sɪ k'èè dɔ ghàyele ha hɔt'e. Edɪnì k'èch'a hanì-le-ɪdè dɔ hayèhdɪ t'à t'asɪ dɔ ghàyɪzà-le. Goinà xè t'asɪ dɔ ghàts'ele nɪdè Nòhtsɪ wɪnà hots'ehtsɪ hɔt'e. ⁸ Nòhtsɪ sɪ t'asɪ hazɔɔ wet'à nezɪ aahda ha deʔɔ naxɪghàyele ha wegħa dɪ nɪle. Hanì-ɪdè t'aats'ɔɔ t'asɪ hazɔɔ wet'à-aahɪ ha sɪ naxits'ɔ ha, eyits'ɔ t'aats'ɔɔ wet'à nezɪ dɔ ts'aaħdɪ ha. ⁹ Dɔ hanì dek'eèht'è k'èè:

"T'asɪ nezɪ dɔ-teèt'ɪ ghàɪla hɔt'e. Eħkw'ɪ nàhohwhoo sɪ welɔ while ts'ɔ wheʔɔ ha," dek'eèht'è.

¹⁰ Nòhtsɪ ededɪ sɪ wet'à t'asɪ dehshee dɔ ghàyele hɔt'e, eyits'ɔ lèt'è dɔ ghàyele hɔt'e. Eyɪt'à t'asɪ hazɔɔ wet'à ts'eēdaa sɪ denahk'e naxɪghàyele ha, eyɪ wet'à denahk'e eħkw'ɪ eghàlaahda anaxele ha.

11 Nòhtsı t'ası hazqò deʒòò naxıghàyele ha, hanı-
ıdè t'aats'òò naxıdzeè t'à dọ ts'àahdı ha dı-le.
Eyıts'ọ goxı got'òò naxıdzeè t'à dọ ts'àahdı t'à dọ ọ
Nòhtsı ts'ò ması gedı ha.

12 Eyı hanı eghàlaahdàa sı Nòhtsı wets'ọ dọ t'ası
gıt'à edaa zọ gıghàahle nıle, hanıkò eyı haahlà
t'à dọ ọ ması gıwọ xè deʒòò Nòhtsı ghàsogeedi
họt'e. 13 Hanı dọ ts'àahdı t'à dọ naxık'ègeezọ agèahlà
họt'e. Zezı-Krı wegodı nezzı naxıgha ehkw'ı-
ahodı k'èè aahda t'à dọ Nòhtsı ghàsogeedi ha,
eyıts'ọ dani naxıdzeè t'à t'ası dọ ghàahle, eyıts'ọ
dọ hazqò gıts'àahdı t'à Nòhtsı ghàsogeedi ha họt'e.

14 Eyıt'à naxıgha yagehtı nıdè Nòhtsı naxıts'ò deʒòò
wesonıwọ t'à hanı nezzı eghàlaahdaanaxıllà ghọ
ması gıwọ xè ededzeè t'à naxıgha yagehtı ha
họt'e. 15 Nòhtsı ması wets'ıhwhọ ha họt'e! Ayı
goghayıʒọ sı sı weghọ enıyah t'à wegħa yatı
whıle họt'e!

10

Paul edek'edaedi

1 Dọ mọhdaa seghọ dı hagedı, “Paul goga wheda
nıdè ts'èwhıą gots'ò gode hanıkò goga wheda-le
nıdè yatı nàtsoo t'à gots'ò gode,” sègedı. Zezı-
Krı dani wedzeè nezzı xè ts'èwhı anıwọ k'èè
naxıghonàdaehtı. 2 Naxıts'àwhıhtı nıdè dọ mọhdaa
dı nek'e dọ k'èè k'ehots'eza gogıhwhọ sı yatı
nàtsoo t'à gıts'ò gohde ha sọnı. Hanıkò hanı naxıts'ò
gohde ha-le għa naxıghonàdaehtı. 3 Dı nek'e dọ
gıta nàts'edè kò, gık'èè elets'egọ nıle. 4 Goxı wet'à
elets'egọ sı dı nek'e dọ gıt'à elegegọ sı xèht'èè
nıle. İle, ełèht'èè nıle! Nòhtsı wets'ọ wet'à

elets'eggo nàtsoò agohzɔ̀ sɔ̀ wɛt'à wehɔ̀ wɛnàowoò nàtsoo sɔ̀ hazòò wedihots'ehtsɔ̀ hɔ̀t'e. ⁵ Nòhtsɔ̀ k'èch'a xàyaetɔ̀ hazòò eyɔ̀ts'ò t'asɔ̀ hazòò Nòhtsɔ̀ ch'à agohzɔ̀ sɔ̀ wedihots'ehtsɔ̀ eyɔ̀ts'ò nànihowo hazòò ts'ihchi gà Zezì-Krɔ̀ k'èt'e ats'ehzɔ̀ hɔ̀t'e. ⁶ Deghàà Nòhtsɔ̀ k'èaht'eè aahjà nɔ̀dè naxɔ̀ta gots'ò dɔ̀ mòhdaa Nòhtsɔ̀ k'èch'a k'ehogezaa sɔ̀ nàgeekwa agets'ele ha hɔ̀t'e.

⁷ T'asɔ̀ wègaat'ɔ̀ sɔ̀ zò ghàahda. Zezì-Krɔ̀ wets'ò aht'e dɔ̀ hotɔ̀ hadeewò nɔ̀dè goxɔ̀ sɔ̀ wexèht'eè Zezì-Krɔ̀ wets'ò ats'ɔ̀t'e yedaàniwo weli. ⁸ Gots'ò K'àowo wedaxà nàahtsoòanaxets'ehzɔ̀ hɔ̀t'e, nàahtso-leanaxets'ehzɔ̀ niile. Eyɔ̀ ghò yaazea xàdahohdi gohde kò weghò ìzhaehɔ̀ niile. ⁹ Dɔ̀ nɔ̀ht'è naxɔ̀ts'ò eeht'èè sɔ̀ wɛt'à naxɔ̀dzeè deji ha ahlà niile. ¹⁰ Dɔ̀ mòhdaa hagedɔ̀, “Paul gots'ò eet'è nɔ̀dè yatɔ̀ nàtsoo t'à gots'ò gode, hanikò goxè wheda nɔ̀dè t'asɔ̀ elɔ̀-le lanì wègaat'ɔ̀ eyɔ̀ts'ò weyatɔ̀ gogha t'asɔ̀ niile,” gedi. ¹¹ Eyɔ̀ dɔ̀ hagedɔ̀ sɔ̀ enɔ̀ht'è t'à dàts'edɔ̀ sɔ̀ wexèht'eè ats'ɔ̀t'e, gɔ̀nɛdi weli. Naxɔ̀ta eghàlats'eeda nɔ̀dè naxɔ̀ts'ò ts'ɔ̀t'è k'èè k'ehots'ezà ha.

¹² Dɔ̀ edeghò xàdahogedɔ̀ sɔ̀ gɔ̀xèts'ɔ̀ht'e ts'edɔ̀ ha honàedi niile. Ededɔ̀ edeghàà dɔ̀ edegeetsɔ̀ eyɔ̀ts'ò edenàowoò ghàà edesiniyagehtɔ̀ t'à gogɔ̀zò-le hɔ̀t'e. ¹³ Hanikò goxɔ̀ sɔ̀ dezòò xàdahots'edi ha niile, Nòhtsɔ̀ la goghàzòò sɔ̀ eyɔ̀ zò ghò xàdahots'edi ha hɔ̀t'e. Nòhtsɔ̀ la goghàzòò t'à naxɔ̀ kò naxɔ̀ta eghàlats'eeda hɔ̀t'e. ¹⁴ Edeghe dezòò xàdahots'edi ha niile. Naxɔ̀ts'ò ats'ejà-le nɔ̀dè ekɔ̀ gots'ede ha ìlè, hanikò Zezì-Krɔ̀ wegodɔ̀ nezɔ̀ xè naxɔ̀ts'ò ats'ejà ìlè. ¹⁵ Eyɔ̀ts'ò dɔ̀ eyɔ̀-le naxɔ̀ta eghàlagɔ̀dà

gho xadahots'edi nıde dezoò ats'edi nıle. K'edaà naxını nàtsoò ade ha ts'ıwq, hanı-ıde naxıta eghàlats'eadaa sı denahk'e nechà ade ha. ¹⁶ Hanı-ıde dq eyı-le naxınèè zoò-ts'ò nagedèe sı godı nezı t'à gıts'ò gots'ede ha dı-le. Eyı-le nek'e Nòhtsı dahxà dq eghàlagıdàa sı goxı wek'e eghàlats'ıdà lanı wet'à edeghq xadahots'edi ha ts'ıwq-le. ¹⁷ Hanıkò, “Amı xadahodı ha nıwq sı Nòhtsı gho xadahodı welè,” dek'eèht'è. ¹⁸ Eyı t'à amı edeghq xadahodı sı dq nezı gha wıtà nıle, hanıkò amı Nòhtsı yeghq xadahodı sı dq nezı gha wıtà hq't'e.

11

Paul eyıts'q dq xàè Zezı wecheekeèdeè agıt'e-le

¹ Yaazea ezhıne k'èè naxıts'ò eèht'è sını kò hotı seàhk'w'q ha naxeewhq. Hòt'a seàhk'w'q wek'èhsq. ² Nòhtsı wını k'èè hotı naxıxoehdı hq't'e. T'eeke wetà dqzhı ghàıhtı lanı Zezı-Krı ghànaxèehtè ha dehwhq. T'eekegòò lanı weghànaxèehtè ha dehwhq. ³ Hanıkò Eve gòochò yeghoyàzq xèht'èè naxı sı naxıghoyaezà aweahle ha sını dehwhq t'à naxıghq dehı. Naxıdzeè t'à Zezı-Krı ghàdeahı ıle sı eyı ch'à naxını ekq-le ayele ha sını. ⁴ Dq ıadı naxıts'ò nıttla gà Zezı eyı-le gho hoghànaxeehtq nıde naxıgha t'asanıle. Yedayeh Nezı naxıghòt'q sı wedq ını eıadı naxıgha ehkw'ı-ahodı nıde, hanı-le-ıde godı nezı naxıghòt'q sı wedq godı eıadı naxıgha ehkw'ı-ahodı nıde, nàhotı-le gıyatı àahchı hq't'e. ⁵ Eyı “Nòhtsı dezoò wecheekeèdeè” ats'ıt'e edegeewq sı gık'azı aht'e edeehwq nıle. ⁶ Dq ts'ò gohde

gha nezùì gohde aht'e-le kò, Nòhtsì ts'òòhk'e t'asì k'èehsò họt'e. T'asì lọ hats'ùlàa sì eyì ghàà nezùì wek'èahsòò anaxets'ùlà họt'e.

⁷ Naxìgha sìghà ha t'à k'èeweèt'ì k'èè adèhà, eyìts'ò t'asì k'èxa-le Nòhtsì wegodiì nezùì t'à naxìts'ò gohde t'à hoùù hòwhihtsì nì? ⁸ Nòhtsì wecheekeè kòta eyù-le nàgedèe sì sòqmba seghàgele t'à naxìgha eghàlaehda họt'e. Eyit'à gisòqmbaà gìghò dehùì lanì. ⁹ Naxìta aeht'è ekò, t'asì segha whìle kò t'asì naxeehkè t'à naxìgha hoezhì ahlà whìle. Nòhtsì wets'ò dọ Macedonia nèk'e gots'ò nègùdee sì ayù segha whìle sì seghàgùla họt'e. Sets'àahdì t'à naxìgha t'asì whìle ha dehwhò-le, ìlàà naxìts'ò hanì ehda ha dehwhò họt'e. ¹⁰ Zezì-Krì wenàowoò ehkw'ù sedzeè yì whezò dahxà dù hanaxèehsì: Dọ wùzùì Achaia nèk'e gots'ò hanì edeghò xàdahohdì ch'à asele ha nùile. ¹¹ Dànìghò sets'àahdì ha naxeehwhò-le dahwhò sònaà? Naxìghòneehtò-le t'à aht'e nùile. Dànì naxìghòneehtò sì Nòhtsì yek'èezò họt'e! ¹² Hanì eghàlaehdaa sì ìlàà hanì eghàlaehda ha họt'e. Hanì-ìdè dọ edeghò xàdahogedi eyìts'ò goxèht'eè eghàlageeda gedì k'ehogezaa sì haget'ì gha hòzò-le agehìe ha.

¹³ Hanù dọ sì ehkw'ì dọ hoghàgogehtò nùile, eghòyageezaa-dòò agùt'e, Zezì-Krì wecheekeèdeè edegeetsì họt'e. ¹⁴⁻¹⁵ Eyì haget'ù sì gogha enìyah nùile, wehùù ededì kò yak'eet'ù degaì edeetsì họt'e. Eyit'à dọ wehùù gha eghàlageedaa sì ededì sì ehkw'ì eghàlageeda laget'ì. Nòqde nùdè dànì eghàlagùdà k'èè gìghàhòt' à ha.

Paul, dànì Zezì gha dàzàa sì yeghò xàdahodì

16 K'achɪ haehsɪ ha: Dɔ wɪzɪ ɔɔzɔ-le aht'e sɪhwɔ wɛlɛ sòò. Hanì nàniàhdè nɪdè dɔ ɔɔzɔ-le gode lanì seàkw'ò, hanì-ɪdè yaazea xàdahohdì ha dɪ-le. 17 Hanì edeghɔ xàdahohdì gohdee sɪ dɔ ɔɔzɔ-le laehsɪ hɔt'e. Gots'ò K'àowo dànì gode ha sɪ k'èè gohde nùle. 18 Hanìkò dɔ ɪ dɪ nèk'e dɔ k'èè edeghɔ xàdahogedì gogede t'à, sɪ sɪ edeghɔ xàdahohdì ha dɪ-le. 19 Sɪ goahsɔ t'à dɔ gogɪzɔ-le sɪ ɔiàkw'ò ha naxɪnà. 20 Dɔ t'ahoòyɪ naxɪts'ò k'ahogedè, hanì-le-ɪdè naxɪghɔ egeeɪ, naxɪt'à edegha sìghà hogehtsɪ, eyɪts'ò naxɪnahk'e dɔ nechàa edegeetsɪ, tsɪnaxegeekà kò, hanì naxɪts'ò eghàlageeda kò naxɪgha t'asanìle. 21 Goxɪ hanì k'ehots'eza gha nàts'etso-le dehsɪ sɪ weghɔ ɪzhats'ɪlɪ ha nì?

Dɔ ɔɔzɔ-le laehsɪ kò, dɔ ayɪ ghɔ xàdahogedɪ sɪ sɪ sɪ eyɪ xèht'eè haehsɪ ha dɪ-le hɔt'e. 22 Hebrew got'ɪ agɪt'e ghɔ xàdahogedì nɪdè sɪ sɪ Hebrew got'ɪ aht'e. Israel got'ɪ agɪt'e nì? Sɪ sɪ Israel got'ɪ aht'e. Abraham wets'ihzòò-dòò agɪt'e nì? Sɪ sɪ Abraham wets'ihzòò-dòò aht'e hɔt'e. 23 Zezì-Krɪ wecheekeè agɪt'e nì? Sɪ ɔiàhk'e wecheekeèdeè aht'e. (Sɪ ezhɪne k'èè gohde laehsɪ.) ɔiàhk'e hòt'ò eghàlɪhdà, ɔiàhk'e dɔ-daniɪlaa-kò ɪhdà, ɔiàhk'e nàsegɪhkwa, eyɪts'ò ɔiàhk'e ɔɪt'òò elàhwho-t'e. 24 Israel got'ɪ sɪlài-eh-t'à taenɔ-daats'ò-ɪòòtɔ nàsegɪhkwa hɔt'e. 25 Taà-eh-t'à dechɪ t'à sekwoyaa-segɪlà, ɪlài kwe t'à segɪhdè ɪlè, taà-eh-t'à nɪhts'ɪ nàtso t'à sexè elàcho wetat'ò, ɪlè toò eyɪts'ò ɪlè dzeè gots'ò tideè k'e daehle ɪlè. 26 T'aats'òò t'asɪ sek'eèhoowo. Deh nàtso t'à sexè hoeɪ k'ehokw'o, dɔɪ ch'à sexè hoeɪ k'ehokw'o,

xàè sèot'ì sì ch'à sexè hoejì k'ehokw'o, dọ ìadù ch'à sexè hoejì k'ehokw'o, kògodeè nì sexè hoejì k'ehokw'o, whatsoqò gòzòqò nì sexè hoejì k'ehokw'o, tideè k'e sexè hoejì k'ehokw'o, eyits'ò dọ gòet'ì edegeetsì t'à sexè hoejì k'ehokw'o. ²⁷ T'aats'òqò hòt'ò eghàlaehda xè gòt'òqò ihtè-le. Bò dẹ xè tì dẹ aeht'è, eyits'ò goht'ò dẹ aeht'è xè segha edza ìlè. ²⁸ Eyì hazòqò wedẹ, dzẹ taat'eè Nòhtsì wecheekeè kòta yàgòlaa nì nàgedèe sù gìghò hòt'ò nàniwho hòt'e. ²⁹ Dọ nàtso-le nìdè sù sì wexè nàhtso-le hòt'e. Dọ hòjì hòèhtsì adlà nìdè sù segha hòila hòt'e.

³⁰ Edeghò xàdahohdì gohde ha nìdè ayì wet'à nàhtso-le sù eyì ghò xàdahohdì ha hòt'e. ³¹ Nòhtsì, gots'ò K'àowo Zezì Wetà, welò whìle ts'ò weghàsòts'eedù sù hohts'ì gohde nùle yek'èezò hòt'e. ³² Kògodeè Damaskus whìhda ekò, k'àowo ìlè, k'àowocho Aretas gha k'àowo elù sù, dasegeechì ha nìwò t'à kògodeè hazòqò hoguhdì agòòlà ìlè. ³³ Hanikò dọ mòhdaa sets'agùdù t'à t'òhtò nechàa yì segiachì gà kòta edzak'è gots'ò hodàsegeèlì. Hanì wech'à kwjèhsa t'à dasegiachì-le.

12

Paul nàtso-le kò wenazhu enìyah k'ehokw'o

¹ Wet'àazà nùle wek'èehsò kò edeghò xàdahohdì ha t'ìt'e. Gots'ò K'àowo wedahxà senazhu xègòèht'ì eyits'ò ayì k'èehsòqò asìlìlà sù, weghò gohde ha. ² Hoònq-daats'ò-dì xo ekò Zezì wecheekeè ìlè yak'e denahk'e dagòowà ts'ò newìtì ìlè. Eyì dọ edezhì yì wheda, edezhì yì wheda-le, wek'èehsò-le, Nòhtsì zò yek'èezò hòt'e. ³⁻⁴ Eyì dọ Hòizì-Nèk'e ts'ò newìtì ìlè wek'èehsò. Eyì dọ edezhì yì

whedaa, edezhì yì wheda-le, wek'èehsò-le, Nòhtsì zò yek'èezò họt'e. T'asì sù enìyah t'à dọ wùzì yeghò gode ha dì sù yeèhk'w'ò ìlè. Eyì sù dọ yeghò gode ha wegħa wets'àet'ò ìlè. ⁵ Eyì dọ wexè hagòjàa sù wegħò xàdahohdì ha họt'e, hanìkò edeghò xàdahohdì ha-le. Ayì t'à nàhtso-le sù eyì zò wegħò xàdahohdì ha. ⁶ Edeghò xàdahohdì gohde ha dehwhò nìdè, ehkw'ì gohde t'à ezhìne k'èè sùtà ha-le. Hanìkò dezòò t'asì deè aht'e segùhwhò ha-le t'à edeghò xàdahohdì ha-le. Dànì eghàlaehda eyìts'ò ayì dàehsì k'èè zò dọ wet'àaàa k'èè sùtà ha dehwhò.

⁷ Eyì t'asì enìyah deè hazòò weehzì t'à xàdahohdì ch'à ìchìghòò lanì sekwò ghàzàà asìdlà họt'e. Eyì sù wehù wecheekeè sek'alawòò at'ì họt'e. ⁸ Taà-eh't'aa gots'ò K'àowo seghò yìhchì wèehsì wegħonàdaehtì ìlè. ⁹ Hanìkò sets'ò hadì, “Nets'ò sòdehwhòò sù eyì negħa hòt'a họt'e. Dọ nàgetso-le nìdè, gìdzeè yì denahk'e enìyah eghàlaehda họt'e,” sèhdì. Eyìt'à ayì t'à nàhtso-le sù wegħò sìnà xè wegħò denahk'e xàdahohdì ha. Hanì-ìdè Zezì-Krì wedahxà nàhtsoò asedle ha họt'e. ¹⁰ Eyìt'à Zezì-Krì wets'ìhòò nàhtso-le nìdè, dọ sek'adageedè nìdè, segħa nàhotì nìdè, dọ dasegùhza nìdè, sexè hoilà k'ehokw'ò nìdè sìnà họt'e. Nàhtso-le nìdè hòdaats'ò nàhtso họt'e.

Paul, Corinth got'ì goghò nàntwo

¹¹ Ezhìne edèwhìhtsì hanìkò naxì asèhlà họt'e. T'asì aht'e-le sònì kò seghò nezì goahde ha ìlè. Eyì “Nòhtsì dezòò wecheekeèdeè,” gìaħdì sù gìk'azì aht'e nùle. ¹² Dọ enìyah hazòò xààa hohtsì sù eyì wegħàà Zezì wecheekeèdeè elì wek'èhoedzò họt'e.

Naxixè aeht'è ekò sını nàtso xè naxıta enıyah ıò hòwhıhtsı ıle. ¹³ Nòhtsı wecheekeè kòta eyı-le ta nàgedèe sı gık'aı aaht'e naxeehwhò dahwhò nı? Nòhtsı wecheekeè eyı-le sets'àgedı agèhlà kò naxı hanaxèhlà whıle; eyı gha seghò nahoahle!

¹⁴ Nàakeè naxıts'àwhıhtla ıle, dı k'achı naxıts'àhtla ha, hanıkò t'ası t'à sets'àahdı ha naxeehwhò-le, t'ası naxıts'ò sı weehwhò-le t'à, hanıkò naxı naxeehwhò họt'e. Chekoa sı edèot'ı gha t'ası k'ègedı nıle wek'èts'eezò, gıot'ı sı edeza gha t'ası k'ègedı họt'e. ¹⁵ Eyıt'à t'ası hazòò sets'ò sı naxıts'ò wek'ehoehwhı gha sına, eyıts'ò naxıghàdèehtè gha sına họt'e. Denahk'e naxıghòneehtò nıdè dek'aı seghònahtò ha nı? ¹⁶ T'asanıle, naxeehkè t'à naxıgha hoezhı ahla-le. Hanıkò ts'àhohtsı t'à naxıghòyaàzò seahwhò nı? ¹⁷ Dò naxıts'ò gıuhzà ekò, sedahxà t'ası naxıghò gııhchı nòò? ¹⁸ Titus naxıts'àtla ha naxıts'ò wıuhzà ıle, eyıts'ò gòet'ı ıle wexè ahla ıle. Titus sòòmba gha naxık'adaawo-le ıle. Eyıt'à elèht'eè k'ehodııza xè elèht'eè nànedıwo họt'e.

¹⁹ Dıı hııwa gots'ò edek'edats'eediı ats'edi dahwhò ıle nı? Zezı-Krı wexè ats'ıt'e k'èè Nòhtsı wenadaà edeghò gots'ede họt'e. Goàgıa, t'ası hazòò hats'ehıı sı wet'à naxını nàtsoò ade gha ats'et'ı họt'e. ²⁰ Naxıts'àwhıhtla nıdè sını k'èè aaht'e ha-le sını, eyıts'ò sı sı naxını k'èè aht'e ha-le sını, eyı weghò nàıhwho họt'e. Ełek'èch'a aahdı ha sını, ełeghò ts'oxoahdı ha sını, naxık'èch'a t'à naxını nàıtlo ha sını, ełek'èch'a aahda ha sını, ełeghò goahde ha sını, xàhoahdı ha sını, eyıts'ò naxixè hoızı hòzò ha-le sını, eyı hazòò ghò

hòtl'ò nànihwho họt'e. ²¹ K'achị naxits'àhtla nịdè, Senòhtsị naxighọ ìzhaehụ asele ha sọnị. Naxita dọ lọ inẹẹ gots'ọ hoụ hogèhtsụ sị gighọ sedzeè nàniiti ha sọnị. Hoụ nàowoò k'èè ełek'alagedèe sị weghọ edek'egụlị-le sọnị dehwhọ t'à, gighọ hòtl'ò nànihwho.

13

Paul, nọọde xàyahtị

¹ Dii taà-ehť'aà naxits'àhtlaà ade ha họt'e. Dii hanì dek'eèhtl'è, “Dọ nàke hanì-le-ìdè dọ tai gidaà agòjàa sị elèht'eè dọ ghọ xàyagụhtị nịdè gịgodii ità ha họt'e,” dek'eèhtl'è. ² Nàekeè t'à naxits'àwhihtla ekò nadaà yatı nàtsoo naxighàehzọ ìlè. Dii setl'axọọ k'achị hanaxèhsị ha. K'achị naxits'àwhihtla nịdè ìdii dọ hoụ hogèhtsụ sị eyits'ọ dọ eyi-le hazọọ eladị agejà-le nịdè ts'èwhị gighàhoezà ha niile, ³ ayi ghàà Zezi-Krị set'à gode sèahdii daseahke t'à. Zezi nàtso-le k'èè naxita eghàlaeda niile, hanikò naxita eniiyah t'à nàtso họt'e. ⁴ Nàtso-le k'èè dechjet'aa k'e wediitsò t'ii'e, hanikò dii Nòhtsị dahxà nàtso eda họt'e. Eyi lanì goxị sị wexè nàts'etso-le lats'ii'e, hanikò Nòhtsị dahxà naxigha eghàlats'eeda gha nàts'etsoò ts'eeda họt'e.

⁵ Asịi naxigha ehkw'i-ahodi k'èè aahda gha ededaaniahdè. Zezi-Krị naxidzeè yi nàdè họt'e wek'èahsọ-le ni? Naxigha ehkw'i-ahodi k'èè aahda-le wek'èahsọ nịdè Zezi naxidzeè yi eda-le wek'èahsọ ha họt'e. ⁶ Goxị gogha ehkw'i-ahodi k'èè ts'eeda wek'èahsọ welì dehwhọ họt'e. ⁷ Eyits'ọ ekọ-le eghàlaahda ch'à naxigha Nòhtsị ts'ọ yats'ehti. Goxị nezị gògaat'ị gha ats'et'ị niile, hanikò ehkw'i

eghàlaahda gha ats'et'ı họt'e, golaà ghàlats'ıdà-le dọ hagogıhwhọ kò. ⁸ Nàowo ehkw'ıı sıı wek'èch'a eghàlats'eeda ha dıı họt'e, hanikò nàowo ehkw'ıı wegħa zọ eghàlats'eeda họt'e. ⁹ Goxı nàts'etso-le t'à naxı nàahtso nıdè goınà họt'e, eyıts'ọ deghàà degaı aahde ha naxıgha yats'ehtı họt'e. ¹⁰ Eyıt'à naxıta whıhda-le nıdè hanı naxıts'ọ eeht'è họt'e. Hanı-ıdè naxıts'àwhıhtıa nıdè Nọhtsı wedahxà hoıla naxıts'ọ xàyahtı ha-le. Naxıni nàtsoò ahle gha Nọhtsı seghàhòızọ họt'e, naxıdihòlè gha niile.

Naxıxè sìghà welè, Paul gòhdi

¹¹ Sèot'ıı, nọode t'à dıı hanaxèehsı ha: naxıxè sìghà welè, deghàà degaı aahde gha hòtl'ò eghàlaahda, ayıı dānaxèehsıı sıı seyatıı ààhchı, naxıni ıle zọ welè, ts'èwhıı elexè aahda. Hanı-ıdè Nọhtsı goghòneètọọ, wexè ts'èwhıı hòzọọ sıı naxıxè wehòh?ọ ha.

¹² Nàowo degaı k'èè efeahts'ı xè, “Nexè sìghà welè,” efeahtı. ¹³ Nọhtsı wets'ọ dọ hazọọ, “Naxıxè sìghà welè,” naxègedı.

¹⁴ Gots'ọ K'àowo Zezi-Krı naxıxè sọnıwọ welè, Nọhtsı naxıghòneètọ welè, eyıts'ọ Yedàyeh Neziı wenàowoò naxıxè welè.

Nòhtsı Nıhtl'è
Dogrib: Dogrib Genesis & New Testament New
Testament & Portions of Old Testament

copyright © 2009 Canadian Bible Society

Language: Dogrib

Translation by: Canadian Bible Society

Tłchq Genesis and New Testament
About Tłchq

Tłchq (Dogrib) is a Na-Dene (Athabaskan) language. It is spoken by the First Nations Tłchq people in the Northwest Territories in Canada. It has the largest number of speakers of any of the Aboriginal language communities in the NWT, and is one of the official languages of the Northwest Territories.

About This Translation

This translation includes the book of Genesis and the New Testament in Tłchq. The first edition of the Tłchq New Testament was published in 2003. It was a historic event, as it was the first time in more than a hundred years that a complete New Testament was published for one of the Dene First Nations in the Territories. The first edition was well received and quickly sold out. In the meantime the book of Genesis had been completed. Consequently, the 2008 reprint of the Tłchq New Testament included Genesis.

Though this translation of the New Testament and Genesis took a total of ten years, the people who worked on it built on years of labor invested by the Tłchq people, elders, priests and missionaries, translators, educators, and linguists. The material contained in this book was checked and approved by consultants from Wycliffe Bible Translators and the Canadian Bible Society.

If you are interested in obtaining a printed copy of this Bible, please contact the Canadian Bible Society at <http://www.biblescanada.com>.

Copyright Information

Dogrib Genesis and New Testament © 2003, 2008 Canadian Bible Society

The text of the Bible in Tłchq that appears in this electronic format or website is for personal use only.

Up to five hundred (500) verses of the Bible text in any form (written, visual, electronic or audio) may be quoted without permission. The quoted verses may not be more than 50% of a complete book of the Bible, or more than 25% of the total text of the work in which they are quoted. Prior written

permission must be obtained for any other use of the text. Copyright acknowledgement must in all cases appear on the title or copyright page. For more information on copyright conditions or to apply, visit <http://www.biblesociety.ca/copyright>.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files dated 29 Jan 2022

dccb8cb-87c9-5afe-9ac6-f62c4ade3a81